

Archeologia de Furtei

In Furtei funt stétius agataus tretus de murus e pomentus de 30 domus chi funt de s'edadi de su ferru e de s'edadi arcàica.

In localidadi Cúcuru S. Brai is Cartaginesus iant mudau una fortificatzioni nuragica ca ci fiat giai segundo sa formula de s'architettura militari insoru. Su cucureddu innoi s'agatàt prima unu nuraxi est stétia fortificada fadendu unu muru perimetrali o assumancu unu parapetu a blocus, e est stétia partzida in duus setoris ponendinci aintru po unu tretu su nuraxi cun d'unu màstiu o turri centrali a pranta cuadrilàtera. A sa piataforma de su màstiu si intràt de Nord po médiu de una intrada fortificada a manera de guidu.

Un'àtera línea fortificada prus in foras parit ci fessit a prus o mancu dexi metrus de custa. Sa técnica edilítzia manixada agàtat cunfrontus cun cussa de is acrópolis arcàicas de Monti Nai, Pani Loriga e M. Sirai intra su VI e su V seculu prima de Gesu cristu e serbiat a castiai una positzioni stratégica de importu mannu, ca fiat su éssiri acanta a unu bau de su Flúmini Mannu e a su passaritzu de Furtei ca fait andai de su Campidanu a sa Marmilla.